

# BANDO

DON FERNANDO SUÁREZ BARCIA, ALCALDE-PRESIDENTE DO EXCMO.  
CONCELLO DE RIBADEO,

## FAI SABER

Que dende a Dirección Xeral de Gandaría, Agricultura e Industrias Agroalimentarias da Consellería do Medio Rural da Xunta de Galicia remitiuse a este concello “**Comunicación de situación de risco en relación á influencia aviaria en aves**” solicitando a súa difusión entre todos os veciños e veciñas de Ribadeo.

No referido escrito establécense unha serie de **medidas que se deben aplicar co fin de evitar o contacto directo ou indirecto das aves domésticas con aves silvestres de calquera especie** por mor da situación epidemiolóxica en España con respecto á **Influenza Aviaria de Alta Patoxenicidade (IAAP)**, destacando que **o Concello de Ribadeo está clasificado como zona ZEV, isto é, cun risco alto.**

Para maior comprensión desta problemática e das medidas a tomar, xúntase a comunicación recibida ao respecto por parte da Consellería do Medio Rural.

Para calquera dúbida ou aclaración poden contactar coa referida Dirección Xeral de Gandaría, Agricultura e Industrias Agroalimentarias da Consellería do Medio Rural da Xunta de Galicia, nos teléfonos 981 544 777 - 881 999 070 ou no correo electrónico [mediorural.dxgaia@xunta.gal](mailto:mediorural.dxgaia@xunta.gal).

O que se fai público para xeral coñecemento.

Ribadeo, 14 de xaneiro de 2022

O ALCALDE,

Asdo./ FERNANDO SUÁREZ BARCIA.

**DOCUMENTO ASINADO ELECTRONICAMENTE Á MARXE**



Sr. Alcalde-Presidente  
Concello de Ribadeo  
Lugo

Asunto: **Comunicación de situación de risco en relación á influenza aviaria en aves.**

Estimado Alcalde-Presidente:

O pasado 13/12/2021 informábaselle acerca dun cambio na situación epidemiolóxica en España con respecto á Influenza Aviaria de Alta Patoxenicidade (IAAP), ao terse detectado un incremento da circulación do virus causante en varios países de Europa. Esta situación implicaba un alto risco en canto á transmisión do citado virus, debido fundamentalmente aos hábitos migratorios das aves silvestres, frecuentes portadoras deste virus, polo que se adoptaron unha serie de medidas a aplicar nas denominadas Zonas de Especial Risco (ZER) e Zonas de Especial Vixilancia (ZEV), de acordo coa Orden APA/2442/2006, de 27 de xullo, pola que se establecen medidas específicas de protección en relación coa influenza aviaria e das que se lle informou no escrito de 13 de decembro.

O nivel de risco continuou en aumento nas pasadas semanas, incrementándose o número de focos en diversos países europeos, incluído España, que notificou un foco de IAAP en aves silvestres na provincia de Lleida o pasado 4 de xaneiro e de dous focos en aves domésticas en Portugal, un ao sur de Lisboa e outro preto de Coimbra.

Tendo en conta a situación descrita, o risco de circulación do virus da IAAP, especialmente do serotipo H5N1 en Galicia e no resto do Estado pódese considerar como moi alto nas zonas ZER e alto nas zonas ZEV, polo que desde o Ministerio de Agricultura, Pesca e Alimentación (MAPA), decidiuse a semana pasada **equipar as medidas de bioseguridade a aplicar en ambas zonas en todo o territorio do Estado**, para calquera tipo de explotación avícola, sexa industrial, familiar ou de autoconsumo.

Estas medidas, de aplicación tanto nos concellos situados en ZER, como **nos situados en ZEV como é o caso do concello do que é vostede Alcalde-Presidente**, e aconsellables no resto do territorio, están establecidas na citada Orden APA 2442/2006, e están orientadas fundamentalmente a evitar o contacto directo ou indirecto da aves domésticas con aves silvestres de calquera especie.

CONSELLERÍA DO MEDIO RURAL  
Dirección Xeral de Gandaría, Agricultura e Industrias Agroalimentarias  
Edificio administrativo núm. 4 de San Caetano, 2ª planta  
15781 Santiago de Compostela  
T. +34 981 544 777 /+34 881 999 070  
mediorural.dxgaia@xunta.gal  
mediorural.xunta.gal





Son as seguintes:

- Prohíbese a cría de aves ao aire libre: todos os propietarios de aves deben recluír as súas aves en instalacións pechadas a cuberto. Se isto non fora posible por non dispoñer destas instalacións, poderíanse manter as aves no exterior sempre que existan teas paxareiras ou calquera outro dispositivo que impida o acceso de aves silvestres e sempre que se alimente e subministre auga ás aves domésticas no interior das instalacións ou cubertos que impidan o contacto das aves silvestres coa auga ou alimento destinados ás aves domésticas.
- Queda prohibido o uso de reclamos de caza con aves do tipo anátidas (parrulos ou similares) e charadriiformes (gaivotas e similares).
- Queda prohibida a cría de parrulos, ocas e gansos xunto con outras especies de aves de curral.
- Prohíbese darlles ás aves de curral auga procedente de depósitos superficiais, fontes ou outras orixes ás que puideran ter accedido aves silvestres, ao non ser que a auga sufrira un tratamento de hixienización que garantira a inactivación de posibles virus da influenza aviaria.
- Os depósitos de auga de subministro para as aves domésticas, que puidera haber no exterior, deberán ser protexidos para impedir que poidan acceder as aves silvestres ou as súas dexecións.
- Quedan prohibidas as concentracións de aves de calquera tipo, comerciais ou non (exhibicións, concursos...), tanto de aves de curral como doutras aves distintas a estas (p. ex. aves ornamentais ou similares).
- É obrigatoria a inscrición dos currais familiares de autoconsumo no Rexistro Galego de Explotacións Avícolas da Consellería do Medio Rural.

Como información complementaria volvemos a recordar as seguintes recomendacións:

- As persoas relacionadas con granxas avícolas comerciais que posúan tamén unha explotación avícola de tipo curral familiar, deben evitar ter contacto con aves dunha e outra explotación sen previamente tomar as axeitadas medidas de bioseguridade (lavado de roupa, lavado de mans...), especialmente se as aves do galiñeiro familiar teñen posibilidade de contactar con aves silvestres.
- As persoas titulares ou traballadoras en explotacións ou titulares de currais familiares de calquera tipo, se realizen actividade cinexética de





caza menor de aves, deben manter as adecuadas prácticas de bioseguridade unha vez finalizada a actividade cinexética, procurando no entrar en contacto coas aves domésticas da súa propiedade.

Dadas as características desta enfermidade, cunha alta difusibilidade entre as aves e as graves repercusións económicas que a súa presenza poden causar ao sector avícola, é moi importante a detección precoz dunha sospeita desta enfermidade polo que calquera sospeita de influenza aviaria debe ser comunicada de inmediato aos Servizos Veterinarios Oficiais da Consellería do Medio Rural, directamente ou, de existir, a través do veterinario da explotación. Igualmente no caso de sospeita en aves silvestres.

Finalmente, é moi importante trasladar aos cidadáns que o serotipo do virus IAAP circulante actualmente é o H5N1, cunha elevada mortalidade entre as aves, pero **sen evidencias de potencial zoonótico (e dicir, de transmisibilidade ás persoas).**

Prégolle que dea a maior difusión posible a esta información a todos os veciños e veciñas do seu concello polos medios dispoñibles que considere máis adecuados.

Grazas pola súa colaboración. Reciba un saúdo

Santiago de Compostela, na data da sinatura electrónica

O director xeral de Gandararía, Agricultura e Industrias Agroalimentarias  
Silvestre José Balseiros Guinarte

Asinado por: BALSEIROS GUINARTE, SILVESTRE  
JOSE  
Cargo: Director Xeral  
Data e hora: 11/01/2022 11:52:00

CVE: UJwm7EH99  
Verificación: <https://sede.xunta.gal/cve>

